

羣經字詁卷十一

湖南黔陽縣歲貢生段謬廷詞庵原稿

本縣教諭寧鄉黃本驥處癡編訂

易十一 傳二計二
十七字

目

莫報切音耄說文冡而前也从目以物自蔽而前也謂貪冒若目無所見也前漢翟方進傳冒濁苟容飾古注

冒貪蔽也食貨志舉陵夷廉恥相冒注冒蔽也周語戎翟冒沒

輕僥貪而不讓血氣不治若禽獸焉又覆冒也易繫辭冒天下

之道本義謂卦爻既設而天下之道皆在其中臨川吳氏曰冒

猶韜尸之冒謂天下之道悉包括於其中也集說言天下之道

紛紜錯雜不可紀極易則昭變化之能隨其所適應用無遺而

萬事萬物總不能出此理之外所謂冒也書君奭迪見冒傳啓

迪其德使著見於上覆冒於下又昭武王惟冒傳惟此四人能

昭武王之德以覆冒天下又不冒大覆冒斯民也康誥我西土

惟時怙冒傳西土之人怙之如父冒之如天又考工記玉人天子執冒四寸以朝諸侯注名玉曰冒者言德能覆蓋天下也疏書傳云古者必有冒言不敢專達之義天子執冒以朝諸侯見則覆之注云君恩覆之臣敢進是其冒覆之事按孔注顧命云言冒所以冒諸侯圭以齊瑞信方四寸邪刻之不言冒以覆蓋天下者義得兩含故注有異又輪人良蓋弗冒弗紘集說王氏曰弗冒者不須衣覆之弗紘者不以絲係之馳壘上而不隊落蓋之善也又韞人凡冒鼓必以啓蟄之日注冒蒙鼓以革疏蟄蟲啓戶由聞雷聲是鼓所取象故以此時冒之又釋名以囊韞其形曰冒覆其形使人勿惡也禮喪大記君錦冒大夫元冒士緇冒凡冒質長與手齊疏冒謂襲後小斂前所用以韞尸者制如直囊作兩囊各縫合一頭又縫連一邊一邊不縫兩囊皆然上者曰質下者曰殺其用之先以殺韞足而上後以質韞首而下雜記冒者何也所以掩形也注設冒者爲其形人將惡之又前漢趙皇后傳切皆銅沓冒師古注切門限也沓冒以銅冒其頭也又假稱曰冒前漢衛青傳冒姓衛氏注若人首

之有覆冒也又書泰誓沈湎冒色傳冒亂女色也又人名左文

十六年先君蚡冒注楚武王父又玉篇覆也食巾也又通作

帽前漢雋不疑傳著黃冒史記絳侯世家薄太后以冒絮提文

帝注應邵曰帕額絮也晉灼曰巴蜀異物志謂頭上巾爲冒絮

又與媚通正韻忌也書泰誓冒疾以惡之天學作媚又密

北切音默增韻貪也左昭三十一年貪冒之民將寘力焉鄭語

號叔恃勢鄧仲恃險是有驕侈怠慢之心而加之以貪冒新書

道術篇厚人自薄謂之讓反讓爲冒又博雅揆也前漢衛青傳

直冒漢園又忤犯曰抵冒禮樂志民人抵冒趙充國傳羌人抵

冒又冒頓單于名史記匈奴傳及冒頓立攻破月氏玉篇音沒

突漢匈奴名又人名勢冒勃蘇見楚策鮑注定四年以爲申包

胥補曰勢冒卽蚡冒勃蘇包胥聲近豈蚡冒之裔與按左傳蚡

冒杜音莫報反國策勢冒鮑音亡北反同字異音今兩存之

又莫佩切音妹璫瑁亦作毒冒正字通毒冒生南海介屬狀似

龜鼈殼稍長背有甲十二片黑白斑文邊缺如鋸齒無足有四

鬣前長後短煮其甲柔如皮因以作器顧玠海槎錄老者甲厚

重臣三古卷一易十一

色明小者甲薄色暗前漢司馬相如傳毒冒鼃龍

圓

王問切音運說

音代妹似觜觿甲有文注出南海可以飾器物

文圓全也从口員聲

又于權切音員與圓同說文天體也韻

會方之對也古方圓之圓作圓今皆作圓易繫辭著之德圓而

神卦之德方以知本義圓神謂變化無方方知謂事有定理語

類著以七爲數故七七四十九而屬陽是未成卦是所用未有

定體故其德圓而神卦以八爲數故八八六十四而屬陰是因

著之變而成已有定體故其德方以知建安邱氏曰四十九著

分掛揲撓陰陽老少變化无方故圓而神六十四卦象辭森列

吉凶得失一定不易故方以知雲峰胡氏曰此以著卦爻之理

而言也理无一定之用故圓而神事有一定之理故方以知述

義著以七爲數象陽之圓陰陽不測故爲神龔氏曰圓者其體

動而不窮神者其用虛而善應管子心術篇能大圓者體乎大

方韓非子飾邪篇左手畫圓右手畫方不能兩全郭璞江賦圓

淵九迴而懸騰注峽江深急激岸石而成圓流也元結惡圓論

歌寧方爲卑不圓爲卿寧方爲汙辱不圓爲顯榮說儲漢儒題

趙岐孟子注云凡物圓則行方則止此解甚明徹嘗試廣其義
惟圓則無障礙故曰圓通惟圓則無缺乏故曰圓滿惟圓則其
機嘗活變化出焉故曰圓轉亦曰圓融蓋至大易之用妙於圓
神竺乾之說極於圓覺而天下之能事畢矣又圓夢占夢以決
吉凶也秦再思紀異錄長安興義寺有圓夢堂禪師智滿圓夢
獲驗堂因以名又叶于分切音云蔡洪圍纂賦曲直有正方
而不圓算徒授

洗

記高帝紀使兩女子洗又潔也書酒誥自
洗腆致用酒傳洗以致其潔腆以致其厚又姑洗律名禮月令

季春律中姑洗注姑洗者南呂之所生三分益一律長七寸九
分寸之一季春氣至則姑洗之律應周語姑洗所以修百物考
神納賓淮南子天文訓姑洗者陳去而新來也白虎通姑者故
也洗者鮮也言萬物皆去故就新莫不鮮明也又鐘名左定四
年分唐叔以闕鞏姑洗又官名洗馬之職昉於漢太子少傅屬
官有太子洗馬後漢員十六人太子出當直者一人在前導威
儀此洗馬之職也續通考洗馬掌經史子集制冊圖書刊緝之

事凡天下圖冊上東宮者皆受而藏之。又先禮切音旣與酒同滌也。易繫辭聖人以此洗心。朱氏軾曰聖人心德渾全湛然如鑑之空水之澄無一毫渣滓塵垢一似以著卦爻之理洗滌其心者然。關子明易傳洗濯物心无所瀆汚謂之洗心。莊子德充符人以其全足笑吾不全足者眾矣。我拂然而怒適先生之所則廢然而反。不知先生之洗我以善邪。林氏曰是先生以善洗我之怒。使我不自知其所以然。又永水器也。儀禮士冠禮設洗直于東榮。注洗承盥洗者棄水器也。士用鐵疏盥手洗爵之時恐水穢地以洗承盥洗水而棄之故云棄水器。又周官隸僕王行洗乘石。又山海經錢來之山下多洗石。又花名。楓腮小。雞冠花。沐人。注即睿字。詳四書字。齋。側皆切。債平聲。說文謂之洗手花。容。話中庸睿字注。齋。戒潔也。正韻莊也。恭也。廣雅敬也。易繫辭聖人以此齋戒。注洗心曰齋。本義湛然純一之謂齋。肅然儆惕之謂戒。朱子曰齋戒敬也。聖人無一時一事不敬。此特因卜筮而言。尤見其精誠之至。又燕居之室曰齋。張宏靖記蕭齋之名。始李約以得蕭子雲字故特建齋。又易旅

卦得其資斧子夏傳作齋斧虞喜志林云當作齋齋戒入廟而受斧也進齋徐氏曰才剛得其資斧也或曰資當作齋按漢書王莽遣王尋屯洛陽將發亡其黃鉞其士房楊曰此經所謂喪其齋斧者也應劭云齋利也讀如齊衰之齋資齊音同誤作資
又叶真而切音支後漢周澤傳生世不諧作太常妻一年三百六十日三百五十九日齋一日不齋醉如泥
齊為齋示明也祇也齋者萬物之潔齊也闔
洪武正韻古單作齊後人加立小以別之闔
釋宮闔謂之扉疏闔扇也禮月令仲春乃修闔扇注用木曰闔
用竹葦曰扇左襄十八年以枚數闔注門扇也公羊莊十二年
萬臂掇仇牧碎其首齒著乎門闔
禮少儀排闔說履又韻會雙
日闔闔門也單曰扇扇戶也按闔為門扇訓無異詞惟禮注以
竹木異名韻會以單雙殊號義既不一理復難通從眾可也又
說文閉也易繫辭闔戶謂之坤疏謂閉藏萬物若室之閉其戶
述義造化流行有靜有動即萬物出入之戶也靜而氣機收斂
如戶斯闔動而生機發生如戶斯闢虞氏曰闔閉也坤象夜故

閉戶闢開也乾象晝故開戶禮曲禮戶開亦開戶闢亦闢有後
入者闢而勿遂左襄十七年吾儕小人皆有闢廬注謂門戶閉
塞吳語乃闢左闢填之以土注上闢閉也下闢門扇也閉陽開
陰示幽也楚辭天問何闢而晦何開而明注陰闢而晦陽開而
明又鬼谷子有裨闢篇戰國時蘇秦學裨闢揣摹楊氏慎曰裨
者開也言也陽也孟子所謂以言餽之也闢者閉也默也陰也
以不言餽之也又正韻總合也後漢張儉傳儉見曹氏世德已
萌乃闢門懸車不與政事前漢武帝紀夫十室之邑必有忠信
今或至闢郡而不薦一人注總一郡之中故曰闢郡又周官圉
師茨牆則翦闢注茨蓋闢苫也又前漢禮樂志游闢闢注天門
也離騷倚閭闢而望子淮南子原道訓排闢闢鑰天門注始升
天之門也地形訓西方曰西極之山曰闢闢之門注闢大也闢
閉也大聚萬物而閉之故曰闢闢之門又風名史記律書闢闢
風居西方秋分至闢者昌也闢者藏也言陽氣道萬物闢黃泉
也淮南子天文訓四十五日闢闢風至闢闢風至則收縣垂琴
瑟不張又人名吳工闢廬諸樊子一名光又楚司馬臣闢廬見

左傳又莊子讓王篇顏闔守陋閭苴布之衣而自飯牛淮南子
繆稱訓顏闔魯君欲相而不肯使人以幣先焉鑿坏而遁之注
魯之隱士又國名前漢陳湯傳又遣使責闔蘇大宛諸國歲遺
注闔蘇國在康居北一千里又與盍同莊子天地篇夫子闔
行邪無落吾事列禦寇篇闔胡嘗視其良既為秋柏之實矣注
闔語助也林曰闔胡皆訓何夢中諄聶之辭則陽篇曰與物化
者一不化者也闔嘗舍之注言何不試舍其所為乎管子小稱
篇闔不起為寡人壽乎又與合通秦策范雎曰意者臣愚而
不闔于王心邪注闔縣戶涓切音懸說文繫也从系持景徐
合同補曰闔史作概縣曰此本是縣挂之縣借為州縣之縣
今俗加心別作懸義無所取易繫辭縣象著明集說日月星辰
繫焉縣象也倬彼雲漢為章于天著明也禮明堂位夏后氏之
鼓足殷楹鼓周縣鼓注足謂四足楹謂之柱貫上出也縣縣之
實廣也詩有瞽應田縣鼓傳縣鼓周制也周官小胥正樂縣之
位王宮縣諸侯軒縣大夫判縣士特縣注樂縣謂鐘磬之屬縣
于奠虞者宮縣四面象宮室軒縣去南面如軒判縣又空北面

特縣縣于東方或階聞禮曲禮大夫無故不徹縣郊特牲諸侯之宮縣而祭以白牡諸侯之僭禮也左成二年新築人仲叔于奚救孫桓子衛人賞之以邑辭請曲縣注軒縣也諸侯樂軒縣闕南方王肅云軒縣曲一面故謂之曲縣淮南子天文訓閭闔風至則收縣垂注秋分殺氣國君僭僭故去鐘磬縣垂之樂又周官大宰乃縣治象之法于象魏考工記輪人縣之以眡其輻之直也輿人立者中縣又匠人水地以縣集注欲國城必先以器貯水平置地上然後于四角立四柱縣繩以正柱淮南子人聞訓知伯率韓魏伐趙圍晉陽決晉水而灌之城中緣木而處縣釜而炊莊子養生主適來夫子時也適去夫子順也安時而處順哀樂不能入也古者謂是帝之縣解注人之生如物縣空中死則解其縣而下矣又禮王制庶人縣封疏庶人賤唯繩下棺故云縣窆又史記高帝紀縣隔千里方望溪曰言秦地包河山之險四封之內壤地縣隔齊地方二千里故云縣隔千里之外又淮南子天文訓至于悲泉爰止其女爰息其馬是謂縣車又地名地形訓縣圖閭風樊桐在崑崙閭闔之中注皆崑崙之

山名穆天子傳乃爲銘迹於縣圃之上注淮南子曰崑崙去地一萬一千里上有增城九重或上倍之是謂閭風或上倍之是謂縣圃又姓縣黃父縣子瑱竝見禮檀弓縣單見史記仲尼弟子列傳又祭名爾雅釋天祭山曰疲縣又馬名釋畜白達素縣又鳥名釋鳥爰居雜縣又熒絹切音炫釋名縣懸也懸係於郡也廣韻古作寰楚莊王滅陳爲縣縣名自此始周官遂人造縣鄙形體之灋小司徒四甸爲縣四縣爲鄙遂人五鄙爲縣五縣爲遂又魯語三鄉爲縣地官序官注自六鄉以至邦國縣居中焉鄭司農云四百里曰縣秋官序官注距王城三百里至四百里曰縣史記秦本紀大矣哉字縣之中注縣赤縣也左思魏都賦故將語子以神州之略赤縣之畿注赤縣神州中國名左昭二年克敵者上大夫受縣下大夫受郡周書作雒篇千里百縣縣有四郡秦策宜陽大縣也名爲縣實郡也鮑注春秋傳上大夫受縣下大夫受郡則郡之稱久矣正曰大事記云春秋時郡屬於縣趙簡子所謂上大夫受縣下大夫受郡是也戰國時縣屬於郡所謂上郡十五縣者是也方孝公商鞅時并小鄉爲

大縣縣一令前漢地理志分天下爲郡縣周官大宰以九賦斂財賄五曰邦縣之賦鮑氏曰邦縣小都去國四百里又官名縣師縣正並地官屬縣士秋官屬又文獻通攷周官有縣正各掌其縣之政令春秋時列國相滅多以其地爲縣則縣大而郡小縣邑之長曰宰曰尹曰公曰大夫其職一也至於戰國則郡大而縣小矣凡縣萬以上爲令減萬戶爲長侯國爲相秩次亦如之皆秦制也漢因之晉制大縣令有治績官報以大郡不經宰縣不得入爲臺郎其後用人益雜搢紳恥居其位五代任官凡齷齪無能者始注爲縣令宋建隆元年始以朝臣爲知縣其間復參用京官或幕職爲之政和二年詔縣令以十二事勸課農桑乾道間詔縣以三年爲任非兩任縣令不得除監察御史續通攷知縣掌教養縣民之事縣丞主簿爲之貳又史記絳侯世家注縣官謂天子也王者官天下故曰縣官鹽鐵論是以縣官不失實注張晏曰不敢斥言天子謂之縣官也又形甸切音現義武斐切音尾徐氏說文俗書譌謬云疊字字書所無同疊不知所从無以下筆易云疊疊當作媿韻會疊疊不

倦意易繫辭成天下之疊疊者本義疊疊猶勉勉也疑則怠決
故勉集人於事物有所疑而不能決則志意懶散不宜向前既
得卜筮定其吉凶自然勇往前進娓娓不倦則其所以娓娓者
皆卜筮成之也故曰莫大乎蓍龜又強勉也詩文王疊疊文王
傳疊疊強勉之兒文王非有所勉也純一不已而人見其若有
所勉耳慶源輔氏曰雖訓強勉然亦有繼續不已之意崧高疊
疊中伯折中猶娓娓恭順也又禮禮器天時雨澤君子達疊疊
焉注達猶皆也疊疊勉勉也君子愛物見天時雨澤皆勉勉勸
樂馬氏曰天時雨澤君子勉勉樂之而不倦者樂其生財得以
行其禮也又疊疊水流兒左思吳都賦元蔭耽耽清流疊疊又
人名子疊鄭昭公之弟高渠弼弒昭公立公子疊又申公子疊
藍尹疊竝楚人竝見左傳又謨奔切音門詩鳧鷖鳧鷖在疊
傳疊山絕水也疏謂山當水路令水勢絕也宋傳水流峽中兩
岸如門也又水名亦縣名前漢地理志浩疊水在西塞外東至
允吾入湓水又金城浩疊縣注在臨洮洛力各切音落說文
南金州縣以浩疊水得名浩疊音合門

洛

水出左馮翊歸德

北夷中東南入渭水經洛水出京兆上洛縣謹舉山春秋說題辭洛之爲言繹也言水繹繹光耀也書禹貢豫州伊洛瀍澗蔡傳地志洛水出宏農郡冢領山水水經謂之謹舉山周官職方氏河南曰豫州其川滎雒集注洛水出陝西西安府商州南冢領山至河南府鞏縣北入河左昭元年天王使劉定公勞趙孟於潁館於雒汭注洛水在河南鞏縣南水曲流爲汭夏書太康五弟須于洛汭卽此也彙纂水經注洛水入河之處清濁異流亦名什谷隋置洛口倉於此詩瞻彼洛矣傳洛水名在東都會諸侯之處也東萊呂氏曰職方氏河西曰雍州其浸渭洛故毛傳以洛爲宗周之浸水洛水雖出於京兆上洛西山然其流尙微此詩所謂洛蓋指東都也周官職方氏正西曰雍州其浸渭洛集注洛水出慶陽府城東北廢洛源縣南流合漆沮二水至西安府同州朝邑縣南入渭通典曰洛卽漆沮也詩車攻傳漆沮在西都畿內涇渭之北所謂洛水正義漆沮在涇水之東一名洛水李氏樗曰此漆沮正周官職方氏所謂雍州其浸渭洛雍州之地非河南之洛也易繫辭河出圖洛出書聖人則之孔安

國曰伏羲氏王天下龍馬出河遂則其文以畫八卦洛書者禹治水時神龜負文而列於背有數至九禹遂因而第之以成九數劉歆曰伏羲氏繼天而王受河圖而畫之八卦是也禹治洪水錫洛書法而陳之九疇是也張氏栻曰通於天者河也有龍馬負圖而出此聖人之德上配於天而天降之祥也中於地者洛也有神龜載書而出聖人之德下及於地而地呈其瑞也聖人則之故易興於世朱氏彝尊曰世之言圖書者謂馬毛之旋龜文之圻獨吳人愈炎以尙書顧命大玉夷玉天球河圖在東序河圖與天球竝列則河圖亦玉之有文者爾崑崙產玉河源出崑崙故河亦有玉洛水至今有白石洛書蓋白石而有文者爾此易家之異聞也焦氏竑曰易云河出圖洛出書未嘗云龜龍負也東漢重圖讖儒者爭言奇異鄭馬之流輒信之書顧命河圖與天球竝列當爲玉石之類俞炎所言近之若龍馬則自伏羲至成康千萬年豈有尙存之理又蜀有洛水山海經岷山之首曰女几之山洛水出焉水經注洛水出廣漢郡洛縣漳山又東海郡有洛水水經注水出太山南武陽縣之冠石山又地

名書洛誥周公初基作新大邑於東國洛予惟乙卯朝至于洛
師我乃卜瀾水東澠水西惟洛食我又卜澠水東亦惟洛食朱
子詩傳周公相成王營洛邑為東都一統志洛陽成周之地漢
為郡宋初洛陽河南二縣並置明屬河南府又洛南縣屬西安
府本漢上洛洛川縣屬延安府本漢鄜郡俱見廣輿記又詩小
雅篇名序瞻彼洛矣刺幽王也思古明王能爵命諸侯賞善罰
惡焉又周書篇名序召公既相宅周公在營成周使來告卜作
洛誥又洛洛水溜下之兒山海經爰有淫水其清洛洛又與
絡同莊子大宗師副墨之子聞之洛誦之孫注誦通也言包絡
無所不通林曰副墨謂文字洛誦謂誦讀又與落同春秋閔
元年公及齊侯盟于落姑公穀作洛又叶魯谷切音祿馬融
廣成頌面據衡陰箕背王屋浸以波澆演以榮洛類篇通作
雜字典周禮注漢以火德王趣七句切音娶說文疾也博雅
忌水改為雒魏復改雒為洛趣遽也廣韻趣向易繫辭變通
者趣時者也詩械樸左右趣之音義七喻反傳趣趨也箋左右
之諸臣皆促疾於事朱傳趣向也又孝經序會五經之指趣